

— Օրհնութեան Երեանի Թեմական Խորհրդի անդամների անունով՝ նրանց գործունէութեան համար: 17 մայիս. թ. 1283:

— Օրհնութեան Տաղանթոգ քաղաքացի Սերովբէ և Եղիա Օտարաշեանց եղբ. անունով՝ տեղական եկեղեցուն և ծխական դպրոցի շինութեան 20000 ռուբ. աւելի նուիրարեցութեան համար: 23 մայիս. թ. 1320:

ՔԱՂՈՒԱԾՔ ՍԻՆՕԴԻ ՕՐԱԳՐՈՒԹԻՒՆՆԵՐԻՅ.

Մայիսի 10-ին Սինոդը, լսելով Ղարաբաղի կոնսիստորիայի յայտարարութիւնը՝ որոշեց, թոյլ տալ Ղարաբաղի կոնսիստորիային ընդունել Նուխու գաւառի Գեօգրուլաղ գիւղի բնակիչ Յովհաննէս Տէր-Մեսրոպեանին հոգևոր կոչման մէջ նոյն գիւղի համար քահանայ ձեռնադրելու և առաջադրել Շամախու թեմի առաջնորդ Տ. Անանիա արքեպիսկոպոսին ձեռնադրել նրան: № 293:

Մայիսի 12-ին Սինոդը ինկատի ունենալով՝ որ Մուխրանեան փողոցում եղած տունը կտակով նուիրած է և չէ կարելի այն օտարացիներ, այլ միայն փոխել ուրիշ անշարժ կալքի հետ, ուստի որոշեց լիազօրութիւն տալ Տփլիսի էջմիածնապատկան կալուածների կառավարիչ Եփրեմ վարդապետին բանակցելու Թիֆլիզի քաղաքային վարչութեան հետ՝ յիշեալ կալուածքը Պապկովի տան հետ փոխարինելու մասին, պայմանաւորուելով, որ այդ տան ճակատները բաց հրապարակի վրայ լինին: № 301:

— 12-ին Սինոդը որոշեց, հաստատել էջմիածնապատկան Մեհրապ—Քիւրդ—Քեանդ և Թափառաշ գիւղերը կապալով տալու համար կապած պայմանը նոյն գիւղերի հաւատարմատարների անունով հինգ տարի ժամանակով տարեկան 714 ռուբլիով: № 303:

— 17-ին Սինոդը որոշեց, պատուիրել Մայր Աթոռի գանձապահին տալ ձեմարանի վարչութեան բժ. Տիգրան

ներանի յատուկ դումարի առ 1-ն նոյն մայիսի գանձուած տոկոսները՝ ութ հարիւր յիսուն ութ ռուբլի 53 կոպ. № 318.

— 19-ին Սինոդը ազդիւս Վեհափառ Հայրապետի ապրիլ 14-ի № 939 կոնդակի համեմատ որոշեց. ուղարկել Մ. Աթոռի բոլոր հաստատութիւններին և թեմերի կոնսիստորիաներին 1910 թուի համար կազմած տպագրուած նախահաշիւներից, պատուիրելով անշեղ հետեւել այդ նախահաշուին, իսկ արտակարգ ծախքերի դէպքում՝ խնդրել Սինոդի թոյլտուութիւնը. № 320:

— 21-ին Սինոդը Երեւանի կոնսիստորիայի մարտի 30-ի № 3298 յայտարարութիւնը լսելով որոշեց. թոյլ տալ Երեւանի կոնսիստորիային ընդունել Իգդիր աւանի բնակիչ Կարապետ Ռշտունուն հոգևոր կոչման մէջ Իգդիր աւանի համար քահանայ ձեռնադրուելու և ձեռնադրութեան համար տալ հրաման Տ. Մեսրոպ արքեպիսկ. Սմբատեանին. № 324.

— 21-ին Սինոդը Վեհ. Հայրապետի մայիսի 13-ի № 1257 կոնդակի համեմատ որոշեց. արձակուած համարել Մկրտիչ սարկաւազ Մուրադեանին Մ. Աթոռի միաբանակցութիւնից և իսպառ զրկուած հոգևոր կոչումից ու աստիճաններից, որի մասին տեղեկութիւն տալ իրան Երեւանի կոնսիստորիայի միջոցով. № 326.

— 21-ին Սինոդը լսելով Ներսէս վարդապետ Մելիք-Թանգեանի նոյն մայիսի 11-ի յայտարարութիւնը հանգուցեալ Խորէն եպիսկոպոս Ստեփանէի թողած կայքի և դրամների մասին՝ որոշեց. ուղարկելով Սիմֆերոպոլ քաղաքի փաստաբան Զաքիեանցին Մարտիրոս Զայցիի ստորագրութիւնը՝ յանձնարարել նրան դատարանով պահանջել վերջինից 1200 ռուբլի. № 329.

— 21-ին Սինոդը լսելով Տփլիսի էջմիածնապատկան կալուածների կառավարիչ Եփրեմ վարդապետի նոյն մայիսի 7-ի № 72 յայտարարութիւնը Կրճանիսի էջմիած-

նտպատկան այդու յետ գնելու մասին, որոշեց, օրինական լիազօրութիւն տալ Տ. Եփրեմ վարդապետին Կրճանխտի Խոռատպատկան 1020 քառ. սաժ. այդին յետ գնելու և կալուածագիր հաստատելու համար, № 331:

—21-ին Սինօդը լսելով ազգիս Վեհափառ Հայրապետի կանգալը № 1238, Մայր Աթոռի բոլոր կալուածներէ յատակագծերի մասին, որոշեց, ուղարկել Երևանի Փոխ — Թեմակալին Սինօդիս գործերուն եղած և դանձարանում պահուող բոլոր կալուածների յատակագծերը և պատուիրել պատճէններ հանել տալ նրանցից և իսկապատեաների հետ վերագարձնել Սինօդիս, № 332:

—24-ին Սինօդը լսելով Վաղարշապատում կառուցանուելիք նոր սպանդանոցի գործը, որոշեց, յատկացնել «ղորու» առուի մօտ 625 քառ. սաժ. տեղ նոր սպանդանոցի համար, այդ հողամասի շահեկանութեան վկայական տալով Վաղարշապատի Հայոց Ս. Աստուածածին եկեղեցու անունով այն պայմանով, որ սպանդանոցի եկամուտը պիտի հետե ևս միշտ գործագրուի Վաղարշապատի Հայոց եկեղեցական ծխական դպրոցների պահպանութեան համար, № 333:

—24-ին Սինօդը լսելով Բելց քաղաքում կառուցանելիք եկեղեցու գործը, որոշեց, ուղարկելով Բեսարաբիոյ նահանգապետի հաստատած յատակագիծը և յայտնելով, որ եկեղեցու շինութեան համար պատրաստ դրամ կոյ արդէն, Ներքին Գործոց նախարարութեան ձեռքով Նորին Կայսերական Մեծութեան Բարձրագոյն հաճութիւնը խնդրել Բելց քաղաքում հայկական եկեղեցի կառուցանելու համար, № 335:

—24-ին Սինօդը լսելով Աստրախանի կոնսիստօրիայի մայիսի 7-ի № 1799 յայտարարութիւնը որոշեց, թոյլ տալ Աստրախան քաղաքի ծխականներին ծախսել Ս. Աստուածածին եկեղեցու դրամագլխից նոյն եկեղեցու վերանորոգութեան համար այլ ևս 7500 ռ. ներկայացրած նախահաշուի համաձայն, № 336:

— 26-ին Սինոդը լսելով Երևանի կոնսիստորիայի նոյն մայիսի 17-ի № 3500 յայտարարութիւնը, որոշեց, թող տալ Երևանի կոնսիստորիային ընդունել Կարապետ Տէր-Գրիգորեանցին հոգևոր կոչման մէջ Ալէքսանդրապոլի դաւանութիւնի Ղայզուլի—Դուզքեանդ գիւղի համար քահանայ ձեռնադրելու, իսկ ձեռնադրութեան համար հրաման տալ Տ. Մեսրոպ առքեղիօկոսացոյ Սմբատեանին: 339:

— 28-ին Սինոդը լսելով առանձին յանձնարարութեանց պաշտօնեայ ն. հայրապետեանի Մայիսի 16-ի № 16 յայտարարութիւնը Օչականում էջմիածնապատկան հոգերի ապօրինի յափշտակութեան մասին, որոշեց՝ ազդարկելով Սինոդիս փաստաբանին յիշեալ յայտարարութիւնը պատուիրել նրան դատարանի միջոցով Մայր—Աթոռին պատկանող հողաքաժինները հանել ցուցակում յիշուած գիւղացիների ապօրինի տիրապետութիւնից: № 341:

Նոյն օրը Սինոդը լսելով Ղօշափանքի «Տայլար» կոչումած 615 դեսեատին վարելահողը կապալով տալու մասին ղեկուցումը, որոշեց, «Տայլար» կալուածքի նախկին վարձակալ Գէորգ Ղարիբեանին իւր տուած ստորագրութեան համաձայն իսպառ հրաժարուած ճանաչելով յիշեալ կալուածքի կապալառութիւնից, տալ վարձու Տայլարի 615 դեսեատին վարելահողերը Երևան քաղաքում բնակուող Մկրտիչ Կարապետեանցին 12 տարի ժամանակով, սկսած սոյն տարուայ ապրիլի 1-ից մինչև 1922 թուի ապրիլի 1-ը տարեկան 1700 ռուբլով, Դաշն կուել Մկրտիչ Կարապետեանցի հետ համեմատ դաշնագրի նախագծի, որ մշակուած է Սինոդիս և վարձակալի փոխադարձ համաձայնութեամբ և ստորագրութեամբ: № 343:

Նոյն օրը Սինոդը, լսելով Դուշէթ քաղաքի բնակիչ Աղէքսանդր Զալինեանցի կտակի մասին ղեկուցումը, որոշեց, առաջադրել Վաստատանի հայոց կոնսիստորիային Դուշէթի գործակալի ձեռքով յորդորել Աղէքսանդր Զալինեանցի կտակակատարներին, որ կտակած գումարի տոկոսները գործադրելիս աչքի առած ունենան կտակարարի կտուրը

Ս. Էջմիածնի ճեմարանում ևս որդեգիր պահելու վերաբերութեամբ: № 345:

— 31-ին Սինոդը, լսելով Եղիշէ Ժ. վարդապետ Մուրադեանի գործի մասին զեկուցումը, նրա գործողութիւնները, թէ վանահայրական պաշտօնում և թէ այնուհետեւ, գտնելով անհամապատասխան հոգեւոր կոչմանը, նրա խուսափումն հոգեւոր իշխանութեան առաջադրութիւնները կատարելուց համարելով անհանգստեմբի և ի նկատի ունելով նրա վերջին (1910 թ. փետրուարի) յայտարարութիւնը, որով խնդրում էր իրան ազատ կացուցանել հոգեւոր կոչումից, և թէ Սինոդս հնարաւոր չգտնէ կատարել իւր պահանջները, իսկ այդ պահանջները կատարել անհնարին էր, — որոշեց իսպառ ազատ համարել նրան հոգեւոր կոչումից և Մ. Աթոռի միաբանութեան անդամակցութիւնից, տեղեկութիւն տալով այս վճռի մասին Տփլիսի նահանգապետին և իրան՝ Եղիշէ Ժ. վարդապետին նոր — Նախիջեւանի և Բեսարաբիայի կոնսիստորիայի միջոցաւ: Բացի սրանից, աչքի առաջ ունելով, որ Եղիշէ Ժ. վարդապետի վանահայրութեան օրով Ղրիմի Ս. Խաչ վանքը պարտ է մնացել զանազան անձանց, որոնց ստանալիքների հաշիւները ստուգապէս պարզուած չեն կատարուած քննութեամբ, այս գործը յանձնել Սինոդիս Հաշուարարական մասը վանքի գրամական հաշիւները պարզելու և նոր զեկուցումն անելու՝ վանքի արդիւնքից յիշեալ պարտքերը վճարելու համար: № 355:

Յունիս 2-ին Սինոդը, լսելով Վեհափառ Կաթողիկոսի այս տարուայ Ապրիլի 3-ի № 784 կոնդակը, որոշեց, որովհետեւ Խոսրով վարդապետը Մուղնու Ս. Գէորգայ վանքի վանահօր պաշտօնից արձակուած և Սինոդիս օրագրական վճռով Խժկոնից վանքի միաբան է կարգուած՝ Յովէլ վարդապետին նոյն կոնդակի համաձայն նշանակել Մուղնու Ս. Գէորգայ վանքի վանահօր և Ապարանայ գործակալի պաշտօնակատար և խնդրել Երևանի նահանգապետի համաձայնութիւնը նրան վանահայր և գործակալ

կարգելու համար: Այս վճռի մասին տեղեկութիւն տալ
Երևանի կանսիստորիային, որի միջոցով պատուիրել Խոս-
րով վարդապետին կանոնաւոր յանձնողական—ստացողա-
կան ցուցակով Ս. Գէորգայ վանքի գոյքը և գործակալու-
թեան հաշիւները յանձնել Յովէլ վարդապետին. № 356:

Նոյն օրը Սինօգը՝ լսելով Երևանի Փոխ-Թեմակալի
յայտարարութիւնը իր այցելած վանքերի տնտեսական
դրութեան մասին, որոշեց. համաձայն Երևանի Փոխ-Թե-
մակալի հղրակացութեան, թոյլ տալ նրան՝ հոգաբարձու-
կան մարմիններ հաստատել Կարմիր և Խոր-Վիրապ վան-
քերի տնտեսական կառավարութեան համար նոյն վանքի-
րի վանահայրերի նախագահութեամբ, տալ նրանց ելից
և մտից ժապաւինեալ մատեաններ, պատուիրելով տնտե-
սական կառավարութեան մասին մանրամասն տեղեկու-
թիւն տալ Սինօգիս: № 357.

